

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10 i 3/23), člana 34. Zakona o radu („Službene novine Federacije BiH“, broj: 26/16, 89/18, 23/20 - odluka US, 49/21-dr. zakon, 103/21-dr. zakon i 44/22), Strategije razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“ broj: 3/21), Akcionog planu za implementaciju Strategije razvoja Zeničko-dobojskog kantona za period 2022.-2024. godina i Trogodišnjeg plana rada Ministarstva za rad, socijalnu politiku i izbjeglice Zeničko-dobojskog kantona 2022.-2024. godina, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 19. sjednici, održanoj dana 10.05.2023. godine, d o n o s i

ZAKLJUČAK

I.

Daje se saglasnost na prijedlog Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2023.-2024. godina“, Ministarstva za rad, socijalnu politiku i izbjeglice Zeničko-dobojskog kantona i Regionalne razvojne agencije za regiju Centralna BiH-REZ.

II.

Ovlašćuje se ministar za rad, socijalnu politiku i izbjeglice da u ime Vlade Zeničko-dobojskog kantona potpiše Program iz tačke I. ovog zaključka.

III.

Međusobna prava i obaveze strana potpisnica Programa i ministarstava u koja budu raspoređene osobe angažovane putem Programa iz tačke I. ovog zaključka, detaljno će biti uređena Sporazumom o saradnji, koji će potpisati resorni ministri ministarstava u Vladi Zeničko-dobojskog kantona kao krajnji korisnici Programa i Regionalna razvojna agencija za regiju Centralna BiH-REZ kao implementator Programa.

IV.

Vlada Zeničko-dobojskog kantona će po davanju saglasnosti na Program, donijeti posebnu odluku o odobravanju sredstava za sufinansiranje istog, nakon čega će sredstva biti doznačena Regionalnoj razvojnoj agencije za regiju Centralna BiH-REZ za realizaciju Programa.

V.

Za realizaciju Programa zadužuju se Ministarstvo za rad, socijalnu politiku i izbjeglice i Regionalna razvojna agencija za regiju Centralna BiH-REZ, svako u okviru svoje nadležnosti.

VI.

Zaključak stupa na snagu danom donošenja.

PREMIJER

Broj: 02-_____/23
Datum, 10.05.2023. godine
Z e n i c a

Amra Mehmedić

DOSTAVLJENO:

1x Ministarstvo za rad, socijalnu politiku i izbjeglice,
1x Regionalna razvojna agencija za regiju Centralna BiH-REZ, putem Ministarstva,
1x a/a.



BOSNA I HERCEGOVINA
FEDERACIJA BOSNE I HERCEGOVINE

Zeničko-dobojski kanton
Ministarstvo za rad, socijalnu politiku i izbjeglice
i
Regionalna razvojna agencija za regiju Centralna BiH- REZ

P R O G R A M

„Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2023.-2024. godina“

Prijedlog

Zenica, maj 2023.godine

UVOD

Prema podacima iz službene evidencije nezaposlenih osoba JU Služba za zapošljavanje

Zeničko-dobojskog kantona na području Zeničko-dobojskog kantona trenutno je evidentirano preko 10.000 nezaposlenih osoba bez radnog iskustva u struci.

S ciljem stvaranja uslova za zapošljavanje mladih, nezaposlenih osoba bez radnog iskustva, odnosno osiguranja povoljnijeg socio-ekonomskog ambijenta za ostanak mladih nezaposlenih osoba na području Zeničko-dobojskog kantona, omogućavanjem sticanja radnog iskustva kao jedne od osnovnih pretpostavki za pronalaženje trajnog zaposlenja, Vlada Zeničko-dobojskog kantona se putem resornog Ministarstva za rad, socijalnu politiku i izbjeglice opredijelila za realizaciju Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2023.-2024. godina“ (u daljem tekstu: Program).

1. Osnov za donošenje i realizaciju

Pravni osnov za donošenje Programa sadržan je u članu 34. Zakona o radu („Službene novine Federacije BiH“, broj: 26/16, 89/18 i 44/22), dok je osnov za realizaciju Programa sadržan u Strategiji razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“ broj: 3/21), Akcionom planu za implementaciju Strategije razvoja Zeničko-dobojskog kantona za period 2022.-2024. godina i Trogodišnjem planu rada Ministarstva za rad, socijalnu politiku i izbjeglice Zeničko-dobojskog kantona 2022.-2024. godina.

2. Nosilac realizacije i implementator Programa

U ime Vlade Zeničko-dobojskog kantona nosilac realizacije Programa je Ministarstvo za rad, socijalnu politiku i izbjeglice (u daljem tekstu: Ministarstvo) koje će imati koordinirajuću ulogu sa svim ministarstvima u sastavu Vlade Zeničko-dobojskog kantona kao krajnjim korisnicima Programa, a implementator Programa je Regionalna razvojna agencija za regiju Centralna BiH (u daljem tekstu: REZ)

Međusobna prava i obaveze između Ministarstva i ostalih ministarstava u sastavu Vlade Zeničko-dobojskog kantona kao krajnjih korisnika Programa i REZ-a biti će definisana posebnim Sporazumom o međusobnoj saradnji na realizaciji Programa.

3. Izvor finansiranja

Ukupna vrijednost Programa procijenjena je na iznos od 164.848,50 (slovima: stotinušezdesetčetiriosamstočetrdesetosam i 50/100 konvertibilnih maraka) i ista su osigurana u Budžetu Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), na razdjelu 20, budžetska organizacija 01, potrošačka jedinica 0001, ekonomski kod 614100, subanalitika KAD 221, pozicija Budžeta: „Poticaj zapošljavanja mladih“.

4. Cilj Programa

Program se odnosi na stručno osposobljavanje bez zasnivanja radnog odnosa 40 osoba bez radnog iskustva prijavljenih na evidenciji JU Služba za zapošljavanje Zeničko-dobojskog kantona koje će za potrebe Vlade Zeničko-dobojskog kantona biti angažovane u sljedećim ministarstvima:

1. Ministarstvo finansija.....7 osoba (4 VSS i 3

- SSS)
2. Ministarstvo za rad, socijalnu politiku i izbjeglice.....3 osobe VSS
 3. Ministarstvo za obrazovanje, nauku, kulturu i sport.....7 osoba VSS
 4. Ministarstvo za boračka pitanja.....2 osobe VSS
 5. Ministarstvo za prostorno uređenje, promet i komunikacije i zaštitu okoliša...15 osoba (13 VSS i 2 SSS)
 6. Ministarstvo za poljoprivredu, šumarstvo i vodoprivredu1 osoba VSS
 7. Ministarstvo za pravosuđe i upravu.....1 osoba VSS
 8. Ministarstvo za privredu.....3 osobe VSS
 9. REZ.....1 osoba VSS

Specifični cilj Programa je omogućavanje sticanja radnog iskustva za 40 osoba bez radnog iskustva prijavljenih na evidenciji JU Služba za zapošljavanje Zeničko-dobojskog kantona kao jedne od osnovnih pretpostavki za pronalaženje trajnog zaposlenja.

Očekivani efekti Programa:

- Stručno osposobljeno 40 mladih nezaposlenih osoba bez radnog iskustva;
- Stečena iskustvena, znanja i vještine, te specifične kompetencije potrebne za samostalan rad u struci;
- Povećana konkurentnost na tržištu rada i veća mogućnost za stalno zaposlenje za 40 mladih osoba;
- Položen stručni ispit po isteku perioda stručnog osposobljavanja za svih 40 angažovanih osoba.

5. Ciljna grupa

Ciljna grupa su mlade nezaposlene osobe do 35 godina starosti bez radnog iskustva u stečenoj stručnoj spremi i zanimanju, koje se nalaze na evidenciji nezaposlenih osoba prijavljenih kod JU Služba za zapošljavanje Zeničko-dobojskog kantona.

U ovaj Projekat neće moći biti uključene nezaposlene osobe koje su u ranijem periodu stekle radno iskustvo kroz volonterski staž ili koje su kod drugog poslodavaca započele odrađivanje stručnog osposobljavanja bez zasnivanja radnog odnosa.

Projektom će biti obuhvaćeno 40 osoba bez radnog iskustva prijavljenih na evidenciji JU Služba za zapošljavanje Zeničko-dobojskog kantona, od čega 35 osoba sa visokom stručnom spremom (VSS) i 5 osoba sa srednjom stručnom spremom (SSS).

U odnosu na specifična zanimanja za koja su ministarstva-krajnji korisnici Programa iskazali potrebu za angažmanom struktura osoba koje će biti angažovane na stručno osposobljavanje bez zasnivanja radnog odnosa je sljedeća:

R.br.	ZANIMANJE	BROJ OSOBA	STRUČNA SPREMA
1.	Diplomirani ekonomista	8	VSS
2.	Diplomirani pravnik	12	VSS
3.	Diplomirani inženjer-Elektrotehnički fakultet (Fakultet za informacione tehnologije)	1	VSS
4.	Diplomirani inženjer saobraćaja	3	VSS
5.	Diplomirani kulturolog	1	VSS
6.	Diplomirani socijalni radnik	1	VSS
7.	Diplomirani arhitekta	3	VSS
8.	Diplomirani inženjer građevine	3	VSS
9.	Diplomirani inženjer građevine-saobraćaj	1	VSS
10.	Diplomirani inženjer mašinstva	1	VSS
11.	Diplomirani inženjer poljoprivrede	1	VSS
12.	SSS ekonomski smjer IV stepen	3	SSS
13.	SSS tehničar građevinske struke IV stepen	2	SSS

6. Troškovi Programa

Programom je predviđeno finansiranje:

- Ugovorene naknade za 40 nezaposlenih osoba bez radnog iskustva angažovanih na stručno osposobljavanje bez zasnivanja radnog odnosa,
- Obaveznog osiguranja za slučaj invalidnosti i smrti zbog povreda na radu i profesionalne bolesti za vrijeme rada kod poslodavca bez zasnivanja radnog odnosa
- Akontacije poreza na dohodak,
- Posebne naknade za zaštitu od prirodnih i drugih nesreća,
- Opće vodne naknade,

Visina ugovorene naknade utvrđuje se u iznosu od 300,00 KM mjesečno po angažovanoj osobi, u skladu sa članom 3. stav (2) Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, broj. 41/01, 22/05 i 9/08) kojim je propisano je da se nezaposlenom osobom smatra nezaposlena osoba čiji prihod ne prelazi mjesečno 25% prosječne plaće iz prethodne godine prema podacima Federalnog zavoda za statistiku. Posljednja objavljena prosječna mjesečna neto plaća po zaposleniku u Federaciji BiH za 2022. godinu iznosi 1.208,00 KM.

Plaćanje obaveznog osiguranja za slučaj invalidnosti i smrti zbog povreda na radu i profesionalne bolesti za vrijeme rada kod poslodavca bez zasnivanja radnog odnosa za osobe primljene na stručno osposobljavanje bez zasnivanja radnog odnosa propisano je članom 17. stav (1) tačka f) Zakona o penzijskom i invalidskom osiguranju („Službene novine Federacija BiH“, broj: 13/18). Visina mjesečnog troška predmetnog osiguranja iznosi 30,00 KM po osobi, a utvrđena je u skladu sa članom 1. stav (1) tačka 3. Odluke o visini doprinosa za penzijsko i invalidsko osiguranje za lica osigurana u određenim okolnostima („Službene novine Federacije BiH“, broj: 26/14).

Obaveza plaćanja akontacije poreza na dohodak na isplaćenu ugovorenu naknadu osobama angažovanim po osnovu stručnog osposobljavanja bez zasnivanja radnog odnosa propisana je u članu 5. Zakona o porezu na dohodak („Službene novine Federacije BiH“, broj: 10/08, 9/10, 44/11, 7/13 i 65/13), a u vezi sa članom 12. Pravilnika o primjeni zakona o porezu na dohodak („Službene novine Federacije BiH, broj: 4/21, 77/21, 20/22 i 57/22) i iznosi 11,11% od isplaćenog iznosa naknade. Slijedom navedenog, visina mjesečnog troška akontacije poreza na dohodak iznosi 33,33 KM po osobi.

Obaveza plaćanja posebne naknade za zaštitu od prirodnih i drugih nesreća propisana je članom 180. stav (1) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06 i 43/10), dok je obaveza isplate opće vodne naknade definisana Pravilnikom o načinu obračuna vodne naknade, pa je u članu 2. Pravilnika propisana obaveza obračuna 0,5% na isplaćenu naknadu.

Tabelarni prikaz ukupnih troškova Programa

R.br.	Vrsta troška	Mjesečni iznos za 35 VSS	Godišnji iznos za 35 VSS	Mjesečni iznos za 5 SSS	Polugodišnji iznos za 5 SSS
1	Troškovi ugovorene naknade	10.500,00	126.000,00	1.500,00	9.000,00
2	Troškovi Obaveznog osiguranja za slučaj invalidnosti i smrti zbog povreda na radu i profesionalne bolesti za vrijeme rada kod poslodavca bez zasnivanja radnog odnosa	1.050,00	12.600,00	150,00	900,00
3	Akontacije poreza na dohodak (300*11.11%= 33.33)	1.166,55	13.998,60	166,65	999,90
4	Naknade (opća vodna naknada 0.5% i posebna naknada 0.5%)	105,00	1.260,00	15,00	90,00
5	UKUPNO	12.821,55	153.858,60	1.831,65	10.989,90
6	UKUPNO SVI TROŠKOVI (VSS 12 mjeseci + SSS 6 mjeseci)	164.848,50			

7. Način realizacije Programa

Ministarstvo će kao nosilac programa uputiti prijedlog Programa na saglasnost Vladi Zeničko-dobojskog kantona. Po pribavljanju saglasnosti Vlade, Program potpisuju u ime Vlade Zeničko-dobojskog kantona resorni ministar za rad, socijalnu politiku i izbjeglice i direktorica REZ-a.

Ministarstvo će potom pripremiti prijedlog odluke o odobravanju sredstava za sufinansiranje Programa u iznosu od 164.848,50 KM, koja će po donošenju predmetne odluke Vlade Zeničko-dobojskog kantona biti transferisana u punom iznosu na račun REZ-a, kao namjenska sredstva za realizaciju Programa u 2023. i 2024. godini.

REZ će po doznačavanju sredstava za realizaciju Programa rješenjem imenovati Komisiju za provođenje postupka javnog oglašavanja Programa, u koju će biti imenovani predstavnici Ministarstva i REZ-a. Komisija će sačiniti Kriterije za izbor korisnika programa sa mjerljivim elementima bodovanja na osnovu kojih će se vršiti bodovanje i konačno rangiranje korisnika Programa.

REZ će objaviti Javni poziv za prijavu na Program na web stanicama Zeničko-dobojskog kantona, REZ-a i JU Služba za zapošljavanje Zeničko-dobojskog kantona.

Po zatvaranju javnog poziva, Komisija za izbor će pregledati formalnu ispravnost prijave, te izvršiti bodovanje i rangiranje kandidata.

Nakon sačinjavanja konačne liste kandidata REZ će pristupiti zaključivanju pojedinačnih ugovora sa kandidatima, u kojim će biti precizirano ministarstvo u koje se raspoređuje na obavljanje stručnog osposobljavanja bez zasnivanja radnog odnosa. REZ će kopiju ugovora u roku 8 dana od dana zaključivanja istog dostaviti JU Služba za zapošljavanje Zeničko-dobojskog kantona radi evidencije i nadzora. Lica angažovana na stručno osposobljavanje

imaju pravo na zdravstveno osiguranje kako je to utvrđeno propisima za nezaposlena lica i isto ostvaruju putem JU Služba za zapošljavanje Zeničko-dobojskog kantona.

REZ će obavljati sve administrativne poslove vezane za zaključene ugovore, sačinjavanje administrativnih obrazaca koji su relevantni za stručno osposobljavanje bez zasnivanja radnog odnosa, staranje o mjesečnim isplatama ugovorene naknade, mjesečnim uplatama obaveznog osiguranja i uplate akontacije poreza na dohodak, a na osnovu evidencija o prisustvu koje će dostavljati ministarstva-krajnji korisnici programa u koje budu raspoređene osobe na stručnom osposobljavanju.

8. Obaveze ministarstava-krajnjih korisnika Programa

Ministarstva u sastavu Vlade Zeničko-dobojskog kantona u koja prema njihovim iskazanim potrebama budu raspoređene osobe na stručno osposobljavanje bez zasnivanja radnog odnosa imati će sljedeće obaveze:

1. Potpisati Sporazum o međusobnoj saradnji na realizaciji Programa sa Ministarstvom za rad, socijalnu politiku i izbjeglice kao nosiocem Programa u ime Vlade u kojem će preciznije biti definisane međusobne obaveze svih strana potpisnica;
2. Sačiniti Plan stručnog osposobljavanja za osobe primljene na stručno osposobljavanje u skladu sa stručnom spremom i zanimanjem angažovanih osoba;
3. Imenovati mentora zaduženog za osposobljavanje angažovane osobe putem Programa;
4. Redovno dnevno evidentirati prisustvo angažovanih osoba i redovno mjesečno dostavljati evidencije (šiht liste) o prisustvu angažovanih osoba REZ-u.
5. Imenovati Komisiju za evaluaciju i ocjenu rada angažovane osobe, organizovati polaganje stručnog ispita po okončanju perioda na koji su osobe primljene na osposobljavanje za samostalan rad, te izdati uvjerenja o položenom stručnom ispitu.

9. Kontrola i praćenje izvršenja ugovorenih obaveza

REZ se obavezuje da će redovno izvještavati Ministarstvo o implementaciji Programa i to najkasnije do 15. u mesecu za prethodni mjesec u kojem su angažovane osobe ostvarile pravo na ugovorenu naknadu. U svrhu izvještavanja potrebno je dostaviti sljedeću dokumentaciju:

- kopije Obrasca prijave/odjave osiguranja (JS3120) prilikom prvog mjesečnog izvještavanja,
- kopije obrasca Akontacija poreza po odbitku rezidenta (APR-1036) za sve osobe na stručnom osposobljavanju na mjesečnom nivou,
- dokaz o uplati mjesečne naknade osobama na stručnom osposobljavanju (kopije uplatnica/zbirnih uplata ili kopija izvoda na kojem je vidljivo da je uplata izvršena).

REZ će po završetku svih programskih aktivnosti, Ministarstvu dostaviti završni narativni i finansijski izvještaj o implementaciji Programa.

10. Nadzor na realizacijom i efekti Programa

Nadzor nad realizacijom Programa vršit će Ministarstvo za rad, socijalnu politiku i izbjeglice Zeničko-dobojskog kantona.

Ministarstvo za rad, socijalnu politiku i izbjeglice i REZ će po završetku Programa, dostaviti Vladi Zeničko-dobojskog kantona izvještaj o efektima istog.

**Ministarstvo za rad, socijalnu
politiku i izbjeglice Zeničko-dobojskog
kantona**

**Regionalna razvojna agencija za
regiju Centralna BiH- REZ**

MINISTAR

DIREKTORICA

Zlatko Jelić

Maja Kišić

Broj:
Datum: __.__. 2023. godine
godine

Broj:
Datum: __.__.2023.